

**STATUT**  
**I**  
**SHOQËRISË ME PËRGJEGJËSI TË KUFIZUAR**  
**“Shehu 02 ” SH.P.K.**  
**Date 26/01/2024**  
**Kreu I**  
**DISPOZITA TE PERGJITHSHME**

**Neni 1**

**Forma ligjore dhe emri i shoqerise**

- 1.1. “**Shehu 02 ” Shpk** është themeluar bazuar në ligjin Nr.9901, datë 14.04.2008 “Për tregtarët dhe shoqërítë tregtare” i ndryshuar, si dhe në Aktin e Themelimit të Shoqërisë, nënshkruar nga Ortaket.
- 1.2. “**Shehu 02 ” Shpk** është themeluar dhe funksionon si shoqëri tregtare e formës “me përgjegjësi të kufizuar” (sh.p.k.). Nga këtu e më poshtë në këtë statut shoqëria “**Shehu 02 ” sh.p.k.** do referohet shkurtimisht si shoqëria.
- 1.3. Shoqëria fiton personalitetin juridik si dhe të drejtën për të kryer veprime dhe të marrë përsipër të drejta dhe detyrime gjatë aktivitetit të saj të përditshëm , që nga data e regjistrimit të saj në Qendrën Kombëtare të Biznesit.
- 1.4. Shoqëria e realizon aktivitetin e saj, sipas objektit të përcaktuar në këtë statut, bazuar në legjislacionin shqiptar, Statutin dhe Aktin e Themelimit.

**Neni 2**

**Ortakët e shoqërisë**

- 2.1. Shoqëria është themeluar nga Ortaku z.Nikollaq Shehu.
- 2.2. **z.Nikollaq Shehu**, si ortak, përgjigjen për humbjet e shoqërisë deri në vlerën e kapitalit themeltar të saj.

**Neni 3**

**Kohezgjatja**

- 3.1 Shoqëria do të ushtrojë aktivitetin e saj, sipas objektit, për një periudhë 20 (njezet) vjeçare, e cila fillon nga data e regjistrimit të saj në regjistrin tregtar.
- 3.2 Afati i përmendorur në pikën 1 të këtij nenit mund të shkurtohet apo zgjatet me vendim të ortakut të vetëm, në përputhje me rregullat e përcaktuara nga ky Statut.

**Neni 4**

**Selia**

- 4.1 Selia e Shoqërisë “**Shehu 02 ” sh.p.k.** do të jetë në Kryemëdhenj -Kavajë në adresën: Rruga Korça, Pallati 3, Shk.12, Nr.1, Numër Pasurie 116/78



A handwritten signature in blue ink, appearing to read "Shehu 02". Below the signature is the number "1".

4.2 Shoqëria mund të vendosë të hapë degë, filiale apo zyra përfaqësie në të gjithë territorin e Republikës së Shqipërisë, si dhe jashtë saj.

### Neni 5

#### Objekti i aktivitetit

Objekti i aktivitetit të shoqërisë **“Shehu 02” sh.p.k.** do të jetë:

- Investitor në ndërtim . Dhenie me qera e ambienteve të banimit dhe shërbimit.
- Import – eksport mallra industrial, ushqimor, bimesh medicinale, farmaceutike, fruta perime. Import -eksport i automjeteve dhe paisjeve energjitetike.
- Shitje me shumice dhe pakice te materialeve te ndertimit, artikuj industrial, ushqimore, mobileri, pasticeri, kancelari , elektroshtepiake.
- Ndërtim i godinave të banimit dhe shërbimit, punime të gjitha llojeve në ndërtim. Ndërtim dhe investitor në hoteleri dhe resorte turistike.

### Kreu II KAPITALI DHE KUOTAT

#### Neni 6

#### Kapitali themeltar

6.1 Kapitali themeltar i shoqërisë tregtare **“Shehu 02” sh.p.k.** është 1.000.000 (njëmillion ) Lekë.

6.2 Kapitali themeltar është i ndarë në 1 (një ) kuotë.

6.3 Ortaku **z. Nikollaq Shehu** është zotëruesi i 1 ( një ) kuote të shoqërisë, në masen 100% të tyre me vlerë 1.000.000 ( një milion ) Leke.

6.4 Kuotat janë nominative dhe nuk mund të përfaqësohen nga letra me vlerë.

6.5 Çdo kuotë përfaqëson të drejtën e një vote.

### Neni 7

#### Regjistri i kuotave të kapitalit themeltar

7.1 Kuotat dhe zotëruesi i tyre, si dhe të dhëna të tjera që lidhen me kuotat e kapitalit themeltar, regjistrohen në një regjistër të posaçëm.

7.2 Forma dhe modalitetet e tjera të regjistrat miratohen me vendim të ortakeve .

7.3 Në rast të zotërimit të kuotave të shoqërisë nga më shumë se një ortak forma dhe modalitetet e tjera të këtij regjistri miratohen me vendim të ortakëve që zotërojnë më shumë se 3 / 4 e kuotave.

### Neni 8

#### Transferimi i pjesëve të kapitalit themeltar me vullnet të ortakut

A handwritten signature in blue ink, appearing to be "Z. Nikollaq Shehu".

2

8.1 Ortaket mundet tē transferojnë lirisht tek tē tretët, pjesërisht ose tërësisht, pjesët e kapitalit themeltar tē shoqërisë.

8.2 Në rast se në një moment tē caktuar pjesët e kapitalit themeltar tē shoqërisë zotërohen nga më shumë se një ortak, transferimi i këtyre pjesëve brenda shoqërisë mund tē bëhet lirisht, ndërsa transferimi tek personat e tretë mund tē bëhet vetëm me miratimin e shumicës së ortakëve që përfaqësojnë tē paktën 3 / 4 e pjesëve tē kapitalit themeltar.

### Neni 9

#### **Transferimi i pjesëve tē kapitalit themeltar me trashëgimi**

9.1 Pjesët e kapitalit themeltar mund tē transferohen lirisht dhe pa asnje klauzolë kufizuese në këtë Statut, nëpërmjet trashëgimisë, si dhe midis bashkëshortëve në rast ndarje pasurore.

9.2 Pjesët e kapitalit themeltar mund tē transferohen lirisht dhe pa asnje klauzolë kufizuese në këtë Statut, midis bashkëshortëve si dhe midis prindit dhe fëmijës ose anasjalltas.

### Neni 10

#### **Akti i transferimit tē pjesëve tē kapitalit themeltar**

10.1 Në çdo rast transferimi i pjesëve tē kapitalit themeltar me vullnetin e ortakut duhet tē vërtetohet nëpërmjet një akti notarial.

10.2 Transferimet e pjesëve tē kapitalit themeltar pasqyrohen në regjistrin e posaçëm të miratuar sipas nenit 7 tē këtij Statuti. Mospasqyrimi i transferimit tē pjesëve tē kapitalit themeltar në këtë regjistër, nuk e bën tē pavlefshëm aktin e transferimit.

10.3 Akti i transferimit tē pjesëve tē kapitalit themeltar duhet tē depozitohet në qendrën Kombëtare tē Biznesit jo më vonë se një muaj nga data e regjistimit tē këtij akti në zyrën notoriale përkatëse.

10.4 Kërkesa për depozitim e aktit tē shitjes së pjesëve tē kapitalit themeltar mund tē bëhet nga shitësi ose nga blerësi, ose prej përfaqësuesve tē tyre tē autorizuar.

### Neni 11

#### **Zmadhimi i kapitalit me anë tē kontributeve në para**

11.1 Kapitali themeltar i shoqërisë mund tē zmadhohet me kontribute në para me vendim tē ortakeve.

11.2 Zmadhimi sipas pikës 1 tē këtij neni bëhet me shlyerjen tërësisht tē ylerës së shtuar prej Ortakeve.

11.3 Shlyerja e fondeve mund tē vërtetohet nga një zyrë notoriale ose nëpërmjet një konferme bankare.

11.4 Në rast se zmadhimi i kapitalit nuk kryhet brenda 6 muajve nga data e depozitimit tē fondeve, Ortakeve i lind e drejta tē tërheqin fondet e depozituara.

### Neni 12

A handwritten signature in blue ink, appearing to be a stylized 'B' or similar character, followed by the number '3'.

### **Zmadhimi i kapitalit me anë të kontributeve në natyrë**

- 12.1 Zmadhimi i kapitalit themeltar nëpërmjet kontributeve në natyrë bëhet me vendim të Ortakeve.
- 12.2 Vlera e kontributit në natyrë si shtesë e kapitalit themeltar përcaktohet nga një ekspert, i cili emërohet nga Ortaket.
- 12.3 Të dhënat mbi kontributin në natyrë të shtuar si pjesë e kapitalit themeltar pasqyrohen në statut dhe regjistrohen në Qendrën Kombëtare të Biznesit. Në rast të kundërt zmadhimi konsiderohet i pa bërë.

### **Neni 13**

#### **Zvogëlimi i kapitalit**

- 13.1 Zvogëlimi i kapitalit bëhet me vendim të ortakeve duke respektuar në çdo rast minimumin ligjor të kapitalit themeltar.
- 13.2 Vendimi përkatës pasqyrohet në Statut si dhe në Qendrën Kombëtare të Biznesit, përndryshe është i pavlefshëm.
- 13.3 Nëse e çmojne, Ortaket mundet të caktojnë një ekspert kontabël për të verifikuar procedurat dhe aktin e vlerësimit.

### **Kreu III**

#### **ORGANET DREJTUESE DHE TËADMINISTRIMIT TË SHOQËRISË**

##### **Neni 14**

#### **Organet drejtuese**

Organet drejtuese të shoqërisë “**Shehu 02** ” sh.p.k. janë:

- a. Ortaket
- b. Administratori

##### **Neni 15**

#### **Ortaket , kompetencat**

- 15.1 Ortaket kane këto kompetenca:
  - a. Ndryshimet në dispozitat e statutit;
  - b. Caktimi dhe shkarkimi i administratorit;
  - c. Caktimi dhe shkarkimi i ekspertit/ekspertëve kontabël si dhe likuidatorit/likuidatorëve;
  - d. Miratimi i raporteve të administrimit dhe kontrollit;
  - e. Miratimi i raportit vjetor;
  - f. Shpërndarja e dividentëve;
  - g. Ndryshimi i kapitalit themeltar;
  - h. Transferimi i kuotave të kapitalit themeltar tek palët e treta;
  - i. Likuidimi dhe/ose shndërrimi i shoqërisë në një formë tjeter;
- 15.2 Ortaket veç sa parashikohet në pikën 1 të këtij neni ka të gjitha të drejtat dhe kompetencat në lidhje me administrimin e shoqërisë, me përashtim të atyre që ky Statut ia njeh dhe ja ngarkon Administratorit.

##### **Neni 16**



## **Administratori**

- 16.1 Administratori emërohet dhe shkarkohet me vendim të Ortakeve.
- 16.2 Në aktin e emërimit përcaktohet edhe periudha e qëndrimit në detyrë. Në rast se kjo periudhë nuk është përcaktuar në aktin e emërimit ajo në çdo rast nuk mundet të jetë më shumë se pesë vjet, duke filluar ky afat nga data e emërimit.
- 16.3 Administratori i parë i shoqërisë është **z. Agim Shehu** i cili emërohet në këtë detyrë për një periudhë 5 vjeçare.

## **Neni 17**

### **Kompetencat e Administratorit**

- 17.1 Administratori i shoqërisë ka këto kompetenca:
  - a. Përfaqëson interesat e shoqërisë në raport me të tretët;
  - b. Përgjigjet për administrimin e veprimitarës së përditëshme të shoqërisë;
  - c. Nënshkruan marrëveshje në emër dhe për llogari të shoqërisë sipas përcaktimeve në këtë Statut;
  - d. Përgatit reportin vjetor të administrimit të shoqërisë, inventarët dhe llogaritë vjetore;
  - e. Emëron dhe shkarkon personelin e shoqërisë;
  - f. Të tjera të parashikuara në këtë Statut;

## **Neni 18**

### **Të drejtat dhe detyrimet e Administratorit**

- 18.1 Administratori është i detyruar të respektojë këtë Statut si dhe çdo akt tjetër të Ortakeve që lidhet me veprimitarinë dhe aktivitetin e shoqërisë.
- 18.2 Administratori është i detyruar të paraqesë raporte dhe informacione mbi ecurinë e aktivitetit të shoqërisë, minimumi çdo tre muaj dhe në çdo rat me kërkesë të Ortakeve.
- 18.3 Administratori është i detyruar që të ruajë dhe të respektojë çdo të dhënë që lidhet me aktivitetin ekonomik dhe finansiar të shoqërisë, me përjashtim të rasteve kur këto kërkohen nga organet kompetente për qëllim të zbatimit të ligjit. Gjithashtu atij i ndalohet të përdorë për qëllime të tija ose të të tretëve, njohuri ose informacione të cilat ai i ka mësuar për shkak të qënies së tij si Administrator i shoqërisë.

## **Neni 19**

### **Procedura e emërimit dhe e shkarkimit të Administratorit**

- 19.1 Akti i emërimit dhe shkarkimit të Administratorit duhet të jetë me shkrim dhe duhet të përcaktojë periudhën për të cilën është emëruar Administratori, pagën, etj.
- 19.2 Me emërimin e Administratorit, midis tij dhe Ortakeve nënshkruhet një kontratë punësimi, në të cilën parashikohen të drejtat dhe detyrimet e secilës palë.



- 19.3 Administratori mund të shkarkohet në rast se ai përmbush detyrimet që rrjedhin për të nga ky Statut, kontrata e punës, si dhe çdo akt tjeter ligor ose nënligor që lidhet me funksionin e tij.
- 19.4 Administratori mund të shkarkohet edhe kur humbet besimin e ortakeve.
- 19.5 Akti i shkarkimit të Administratorit duhet të jetë me shkrim dhe duhet të përbajë edhe shkaqet e shkarkimit.
- 19.6 Të drejtat dhe detyrimet e Administratorit mbarojnë menjëherë me Aktin e shkarkimit.

**Neni 20**  
**Personeli i shoqërisë**

- 20.1 Personeli punonjës i shoqërisë emërohet dhe shkarkohet me vendim të Administratorit në përputhje me rregullat e parashikuara në Kodin e Punës, Statutin e shoqërisë si dhe akte të tjera të Ortakeve .
- 20.2 Numri i punonjësve si dhe struktura organike si dhe niveli i pagave përcaktohen me vendim të Ortakut të vetëm mbi bazë të propozimit të Administratorit.
- 20.3 Administratori duhet të informojë Ortaket jo më pak se një herë në tre muaj mbi numrin e të punësuarve në shoqëri.

**Kreu IV**  
**MBLEDHJET DHE VENDIMMARRJA NË SHOQËRI**  
**Neni 21**  
**Aktet e ortakut të vetëm**

- 21.1 Ortaket administrojne shoqërinë nëpërmjet akteve të ndryshme të miratuara prej tyre.
- 21.2 Aktet duhet të jenë me shkrim si dhe të regjistrohen në një regjistër të posaçëm.
- 21.3 Në rastet e shqyrtimit të raporteve të Administratorit, të inventarit si dhe të miratimit të llogarive vjetore, Ortaket njoftojne Administratorin dhe / ose likuidatorin, sipas rastit, jo më vonë se 10 ditë përpëra datës së shqyrtimit.

**Kreu V**  
**VITI FINANCIAR, RAPORTET VJETORE, FITIMI**  
**Neni 22**  
**Viti finanziar**

- 22.1 Llogaritja e shpenzimeve, të ardhurave dhe fitimit për shoqërinë bëhet për çdo vit finanziar.
- 22.2 Çdo vit finanziar fillon më datën 01 Janar dhe mbyllt më 31 Dhjetor.

**Neni 23**  
**Raportet vjetore**



- 23.1 Administratori ose sipas rastit eksperti kontabël paraqet raportet vjetore financiare jo më vonë se tre mujori i parë i vitit finanziar pasardhës.
- 23.2 Raporti përmban të dhëna mbi shpenzimet, të ardhurat si dhe çdo informacion tjetër finanziar mbi shoqërinë.
- 23.3 Ortaket miratojne raportet financiare dhe llogaritë vjetore të vitit finanziar jo më vonë se 6 mujori i parë i vitit finanziar pasardhës.

**Neni 24**  
**Eksperti kontabël**

- 24.1 Emërimi i ekspertit kontabël bëhet nëpërmjet një akti me shkrim i cili i komunikohet personit të caktuar si ekspert kontabël i autorizuar.
- 24.2 Eksperti kontabël emërohet për një periudhë prej 2 vitesh financiare duke përfshirë në këtë periudhë edhe vitin finanziar në të cilin bëhet emërimi.

**Neni 25**  
**Përgjegjësité e Ekspertit kontabël**

- 25.1 Eksperti kontabël kontrollon dhe verifikon të gjithë librat e llogarisë, fondet e shoqërisë, kontratat, dokumentet kontabël, regjistra dhe procesverbale të financës.
- 25.2 Eksperti kontabël kontrollon dhe verifikon nëse llogaritë vjetore dhe bilancet janë në përputhje me dokumentacionin financier përkatës të shoqërisë dhe janë pasqyruar të gjitha operacionet financiare të vitit.
- 25.3 Eksperti kontabël kontrollon përshtatshmërinë dhe përputhshmërinë e kontabilitetit të mbajtur me legjislacionin në fuqi.
- 25.4 Eksperti kontabël i autorizuar është i përjashtuar nga çdo ndërhyrje në administrimin e shoqërisë.
- 25.5 Në ushtrimin e përgjegjësive të veta Eksperti kontabël mund të bëjë verifikime dhe kontolle në çdo kohë që ai e gjuxon të nevojshme.

**Neni 26**  
**Shkarkimi i ekspertit kontabël**

- 26.1 Eksperti kontabël shkarkohet me vendim të ortakeve.
- 26.2 Akti i shkarkimit duhet të bëhet me shkrim.
- 26.3 Eksperti kontabël i shkarkuar ka të drejtën e pagesës vetëm për punën e kryer dhe të papaguar.

**Neni 27**  
**Fitimi i shoqërisë**

- 27.1 Fitimi llogaritet në fund të çdo viti finanziar.

27.2 Shpërndarja e fitimit bëhet me vendim të ortakeve pasi është lënë më parë mënjanë “rezerva e detyrueshme”.

27.3 Ortaket mund të disponojnë lirisht fitimin e shoqërisë, pasi të jetë lënë më parë mënjanë “rezerva e detyrueshme” dhe të jenë shlyer të gjitha detyrimet që shoqëria ka kundrejt shtetit.

## Kreu VI

### **PRISHJA, SHNDËRRIMI DHE LIKUIDIMI I SHOQËRISË**

#### **Neni 28**

##### **Prishja e shoqërisë**

28.1 Shoqëria mund të prishet me vendim të Ortakeve.

28.2 Vendimi për prishjen e shoqërisë duhet të jetë me shkrim dhe duhet të depozitohet në Qendrën Kombëtare të Biznesit.

28.3 Në rast se kapitalet e shoqërisë, vlerësuar sipas dokumenteve financiare përkatëse, janë në një vlerë më të vogël se gjysma e kapitalit themeltar, shoqëria konsiderohet e prishur.

#### **Neni 29**

##### **Shndërrimi i shoqërisë**

29.1 Një shoqëri tregtare mund ta ndryshojë formën e vet ligjore, nëpërmjet shndërrimit, si më poshte:

a. Shoqëria me përgjegjësi të kufizuar mund të shndërrohet në shoqëri aksionare dhe anasjelltas.

29.2 Shndërrimi nuk sjell pasoja mbi të drejtat dhe detyrimet, që shoqëria ka marrë përsipër ndaj të tretëve.

#### **Neni 30**

##### **Likuidimi i shoqërisë**

30.1 Në rastin e falimentimit të shoqërisë, ajo kalon në proces likuidimi.

30.2 Shoqëria është në proces falimentimi kur ajo është në pamundësi të pagesave ndaj të tretëve.

30.3 Në procesin e likuidimit, Ortaket ose gjykata caktojne një likuidator, ekspert kontabël, për të vlerësuar gjendjen financiare të shoqërisë.

30.4 Projekti i likuidimit i paraqitur nga eksperti kontabël miratohet nga Ortaket ose nga gjykata.

30.5 Në procesin e likuidimit shoqëria përfaqësohet nga likuidatori i cili është i autorizuar të paguajë të gjithë kreditorët në përputhje me radhën e përcaktuar në legjislacionin shqiptar.

30.6 Pas përfundimit të procesit të pagimit të kreditorëve, vlera financiare dhe kapitale të tjera të shoqërisë, nëse ka, i dorëzohen Ortakeve.

30.7 Aktet e likuidimit në përfindim të tij së bahku me llogaritë përkatëse depozitohen në Qendrën Kombëtare të Biznesit. Pas kësaj shoqëria çregjistrohet nga ky regjistër.

## **Kreu VIII**

### **DISPOZITA TË FUNDIT**

#### **Neni 31**

#### **Shqyrtimi i mosmarrëveshjeve**

Kompetente për zgjidhjen e mosmarrëveshjeve që mund të lindin gjatë ekzistencës së shoqërisë është Gjykata e Rrethit Gjyqësor Tiranë.

#### **Neni 32**

#### **Ndryshimet në Statut**

32.1 Ndryshimet në Statut mund të bëhen me vendim të ortakeve.

32.2 Ndryshimet janë të vlefshme vetëm nëse ato pasqyrohen në Regjistrin Tregtar.

32.3 Në rast të transferimit tërësisht ose pjesërisht të kuotave tek më shumë se një ortak, ky statut është i vlefshëm deri në bërjen e ndryshimeve përkatëse nga ortakët sipas procedurave të parashikuara në ligj.

Deri atëherë zbatohen dispozitat e këtij Statuti për sa është e mundur dhe / ose dispozitat e ligjit Nr.9901, datë 14.04.2008 "Për tregtarët dhe shoqëritë tregtare".

#### **Neni 33**

#### **Hyrja në fuqi**

Ky statut është i hartuar në dy kopje në gjuhën shqipe dhe hyn në fuqi me miratimin dhe pranimin e depozitimit të tij pranë Regjistrit Tregtar.

**Ortaku**

**Nikollaq Shehu**

